



# Халқ сўзи

Ўзбекистон —  
Келажаги  
Буюк  
Давлат

2024 йил — ЁШЛАР ВА БИЗНЕСНИ ҚўЛЛАБ-ҚУВВАТЛАШ ЙИЛИ

1991 йил 1 январдан чиқа бошлаган

WWW.XS.UZ

E-mail: Info@xs.uz

2024 йил 16 май, № 95 (8718)

Пайшанба

Сайтимизга ўтиш учун QR-кодни телефонингиз орқали сканер қилинг.



## «СОСА-COLA» КОМПАНИЯСИНING ИСТИҚБОЛЛИ ЛОЙИХАЛАРИ ҚўЛЛАБ-ҚУВВАТЛАНДИ

Ўзбекистон Республикаси Президенти Шавкат Мирзиёев 15 май куни «Coca-Cola» компанияси раиси ва бош директори Жеймс Куинсини қабул қилди. Учрашувда «Anadolu Group» компанияси раиси Тунжай Ўзилхон ҳам иштирок этди.



«Coca-Cola» алкоғолсиз ичимликлар ишлаб чиқариш бўйича дунёдаги энг йирик компаниялардан бири бўлиб, фаолияти 200 дан ортиқ мамлакатлар бозорини камраб олади, 200 дан зиёд бренд ва 950 дан ортиқ ишлаб чиқариш корхоналарига эга.

Компаниянинг Ўзбекистондаги эксклюзив ҳамкори — «Coca-Cola Içecek» Туркиянинг «Anadolu Group» таркибига киради. Хозирги кунда мамлакатимизда компаниянинг Тошкент, Урганч ва Наманган вилоятидаги 3 та заводи фаолият юритмоқда.

Учрашувда озиқ-овқат соҳасидаги, шу жумладан, «яшил» ечимларни, энергия ва сувни тежайдиган технологияларни жорий этиш бўйича ҳамкорликнинг ижобий суръати қайд этилди. Кун кеча Самарқанд вилоятида янги корхона ишга туши-

рилди. 2025 йилда Наманган вилоятида бешинчи завод фойдаланишга топширилади. Инновацион фаолият ва тадқиқотларни ривожлантириш, муҳандислар ва соҳа мутахассисларини тайёрлаш муҳимлиги таъкидланди. Инвестиция

дастурини янада кенгайтириш, маҳсулот турларини кўпайтириш, материаллар ва бутловчи қисмларни ишлаб чиқариш юзасидан келишувларга эришилди. Давлатимиз раҳбари истиқболли лойиҳаларни жадаллик билан

амалга ошириш бўйича алоҳида «Йўл харитаси»ни қабул қилишни топширди.

Ў.А.

Ўзбекистон Республикаси Президенти Матбуот хизмати суратлари.

### Мулоқот

## ҚИЗГИН МУЗОКАРАЛАР, КОНСТРУКТИВ ТАКЛИФЛАР

Президент Шавкат Мирзиёевнинг БМТ Бош Ассамблеясининг 78-сессиясидаги таклифига асосан Самарқанд шаҳрида ташкил этилган «Хотин-қизларнинг иқтисодий, ижтимоий ва сиёсий ҳуқуқ ҳамда имкониятларини кенгайтириш масалаларига минтақавий ёндашув» мавзусидаги Осие хотин-қизлари форуми юқори савияда бўлиб ўтди. Унинг доирасида парламентимиз юқори палатаси Раиси қатор нуфузли меҳмонлар билан учрашувлар ўтказди.

Хусусан, Ўзбекистон Олий Мажлиси Сенати Раиси Танзила Норбоева БМТ Бош котиби ўринбосари, «БМТ-Аёллар» тузилмаси ижрочи директори Сима Сами Бахус билан учрашди.

Учрашувда «БМТ-Аёллар» тузилмаси билан ҳамкорликда гендер тенгликни таъминлаш ҳамда хотин-қизлар ҳуқуқ ва манфаатларини ҳимоя қилиш борасида олиб борилаётган кенг қўламли ишловлар ва уларнинг амалий натижаларига эътибор қаратилди.

С. Бахус хоним Президентимизнинг БМТ

Бош Ассамблеясининг 78-сессиясида билдирган таклифлари асосида ўтказилган Осие хотин-қизлари форуми юқори савияда ташкил қилинганини таъкидлади ва уни ҳар икки йилда Ўзбекистонда ўтказиш тўғрисидаги таклифни тўлиқ қўллаб-қувватлади.

Шу билан бирга, мамлакатимизда хотин-қизларнинг меҳнат ҳуқуқлари, уларнинг тадбиркорлик фаолияти қўллаб-қувватланаётгани, бу йўналишда аёлларга кенг қўламли имтиёзлар яратиб берилаётгани таҳсинга лойиқ экани қайд этилди.



### Парламент дипломатияси

## Ўзбекистон — Тожикистон: ИККИ ТОМОНЛАМА МУНОСАБАТЛАР ЮҚОРИ БОСҚИЧГА КўТАРИЛАДИ

Кеча Олий Мажлис Қонунчилик палатаси Спикери Нуриддин Исмоиловнинг Тожикистон Республикаси Мажлиси намоёндогон Мажлиси Оли Раисининг ўринбосари Мавсума Муини бошчилигидаги делегация билан учрашуви бўлиб ўтди.

13-14 май кунлари Самарқанд шаҳрида ўтказилган Осие хотин-қизлари форуми доирасида мамлакатимизда бўлиб турган делегация раҳбари М. Муини самимий қабул учун миннатдорлик билдирар экан, Тожикистон парламенти делегациясининг Ўзбекистонга савфари самарали ўтаётганини таъкидлади.

Делегация раҳбари сўнгги йилларда Президент Шавкат Мирзиёев бошчилигида Ўзбекистонда хотин-қизларнинг ижтимоий-сиёсий фаоллигини ошириш, давлат бошқарувидаги иштирокини кенгайтириш, тенг ҳуқуқ ва имкониятлар билан таъминланишини қалб-қалб билан қўллаб-қувватлаш борасида олиб борилаётган ишловларга юксак баҳо берди.

— Самарқанд шаҳрида юксак савияда ташкил этилган форум нафақат Тожикистон ва Ўзбекистон сингари Марказий Осие давлатлари, балки бутун Осие мамлакатларидаги етакчи аёлларнинг бир майдонда тўпланиши ҳамда хотин-қизларнинг жамиятдаги ролини оширишдаги илғор тажрибалар алмаширилишида муҳим платформа вазифасини ўтади, — деди М. Муини ўз сўзида. — Форум давомиди биз Ўзбекистонда хотин-қизларнинг иқтисодий имкониятларини кенгайтириш, раҳбарлик қобилиятини ва тадбиркорлик салоҳиятини тўлиқ рўёбга чиқариш, уларга замонавий билим бериш масалалари тизимли ҳал қилинаётганига гувоҳ бўлдик.



## ЗАМОНАВИЙ ХАТАР ВА ТАҲДИДЛАРГА ҚАРШИ КУРАШИШ МАСАЛАЛАРИ МУҲОКАМА ҚИЛИНДИ

15 май куни Ўзбекистон

Республикаси Президенти

Шавкат Мирзиёев қайтганларни

реабилитация ва реинтеграция

қилиш масалалари бўйича

Минтақавий экспертлар кенгашининг

биринчи йиғилишида иштирок этиш

учун мамлакатимизда бўлиб турган

БМТ Бош котибининг ўринбосари —

Терроризмга қарши кураш

бошқармаси раҳбари

Владимир Воронковни қабул қилди.

Учрашув аввалида Владимир Воронков давлатимиз

раҳбарига Бирлашган Миллатлар Ташкилати Бош котиби

Антониу Гутерришнинг самимий саломи ва энг эзгу тил-

лақларини етказди.

Ўзбекистоннинг БМТ институтлари ва тузилмалари билан,

энг аввало, терроризм ва бошқа трансмиллий хатар

ва таҳдидларга қарши кураш соҳасидаги амалий

ҳамкорлигини янада ривожлантириш масалалари кўриб

чиқилди.

Терроризмга қарши кураш бошқармаси фаолиятини

қўллаб-қувватлаш учун мамлакатимиз раҳбарига мин-

натдорлик изхор этиб, Владимир Воронков минтақавий

экспертлар кенгашини ташкил этиш ташаббуси амалга

оширилгани учун Ўзбекистон томонига алоҳида ташаккур

билдирди. Тошкент шаҳрида бўлиб ўтган ушбу ноёб ме-

ханизмининг биринчи йиғилиши муваффақиятли яқунлан-

гани таъкидланди.

БМТ Бош котибининг ўринбосари, шунингдек, Ўзбеки-

стоннинг можаролар ҳудудларидан фуқароларни қайта-

риш, уларни реабилитация қилиш ва жамиятга қайта ин-

теграция қилиш, жумладан, бунда маҳалла институтининг

кенг имкониятлари учун Ўзбекистон томонига алоҳида ташаккур

билдирди. Тошкент шаҳрида бўлиб ўтган ушбу ноёб ме-

ханизмининг биринчи йиғилиши муваффақиятли яқунлан-

Ў.А.



TOSHKENT  
INTERNATIONAL  
INVESTMENT  
FORUM  
2024-yil 2-3 may

TASHKENT  
INTERNATIONAL  
INVESTMENT  
FORUM  
May 2-3, 2024



## ЯНГИ ЎЗБЕКИСТОН — ИНВЕСТИРЛАР УЧУН ИШОНЧЛИ МАМЛАКАТ

Ҳар қандай ишга киришиш учун, аввало, молиявий асос даркор. Бизнес-ғоя ёки лойиҳа режаси қанчалик пухта уйланган ва ҳисоб-китоб қилинган бўлмасин, у молиявий жиҳатдан қўллаб-қувватланмас экан, қозғоқда қолиб кетаверади.

Бу қоида Президент Шавкат Мирзиёев ташаббуслари асосида олиб борилаётган янгиланиш жараёнларига ҳам тааллуқли. Белгиланган мақсадларга эришишда зарур капитал қўйилмалар иқтисодиёт ва инфратузилмани жадал суръатлар билан модернизация қилиш имконини бермоқда. Шу боис давлатимиз раҳбари янги Ўзбекистонни

### Мушоҳада

#### Аниқ устуворликлар, муайян таклифлар

Тошкент халқаро инвестиция форуми сингари тадбирлар кўп мамлакатларда ўтказилади. Лекин

ҳаммасида ҳам давлатнинг биринчи раҳбари қатнашмайди ва сўзга чиқмайди. Шу боис Шавкат Мирзиёевнинг нутқи хоржий сармомдорлар учун муҳим аҳамиятга эга бўлди. Улар буни алоҳида

ҳурмат ва меҳмондўстлик белгиси, деб қабул қилди. Бунинг устига ишбилармон доиралар вакиллари вақт қадрини жуда яхши билгани ҳолда олий мартабали раҳбар кундалик ўта муҳим ишларидан ор-

тиб уларга ҳам вақт ажратгани, эътибор қаратгани туфайли жуда миннатдор бўлишди. Инвесторлар керакли маълумотни мамлакат Президентининг нутқидан олиши улар учун тўлиқ ишонч қароли сифатида муҳим.

Ушбу нуфузли тадбир иштирокчилари эътироф этганидек, Ўзбекистон раҳбарининг чиқиши уларда катта таассурот қолдирди.

Биринчидан, Тошкент халқаро инвестиция форуми яхши анъанага айланиб бораётгани ва ҳар йили барча қитъадан янги-янги ҳамкорларни мамлакатимизга тўплаётганини эътироф этар экан, давлатимиз раҳбари бугунги анжуман глобал геосиёсий ва иқтисодий муаммолар авж олаётган, барқарор ривожланиш йўлида хавф ва таҳдидлар кучайиб бораётган даврга тўғри келаётганини ҳам

айтиб ўтди. Хусусан, Ўзбекистон Президентини сўзларига кўра товар ва хизматларни етказиб бериш занжирларидаги узилишлар, халқаро савдонинг пасайиши, инвестиция оқимларининг камайиши, иқлим офатларининг кучайиши вазият нақадар беқарор ва қалтис эканини яққол кўрсатмоқда. Шундай экан, ҳеч бир давлат замонавий дунёнинг бундай ўткир муаммолари билан яққа ҳолда қураша олмайди. Ва ҳар бир мамлакат учун хоржий инвестициялар оқими алоҳида аҳамият касб этади. Инвестициялар билан боғлиқ тенденциялар эса қутилган умидларни оқламапти — ўтган йили ривожланаётган давлатларга киритилган инвестициялар умумий ҳажми 9 фоизга камайди.







